



Ne Kanáthen Thi ionkwehonwehseraténion TSI NIHATIÉRÁ:NE

Thi ionkwehonwehseraténion onkwehshón:'a, Kanáthen nonkwá:ti ratinakerénion rotihsa'onhákíe, tsi nenkaié:ren, iatenhatí:ren tsi ní:ioht tsi ronwatiienawà:se, rotikwatakwenhákíe tsi nón:we nihati:teron tánon ne ákte nón:we ratinakerénion tsi ná'tehónteron ne onkwehshón:'a khók ahonwanaten'nikòn:raren, tsi nihotirihò:ten tahonwatíhshnie tahatirihwa'será:ko tsi nahò:ten iorihowá:nens.

Ne Kanáthen Thi ionkwehsonwehseraténion Tsi nihatiierá:ne (ne tsi nenkaié:ren) tsi nikaianerenhserò:ten kanahstónkwa ahotiienawa'se Kaniatarí:io tsi nahò:ten ratíhsere tánon iorihowá:nens ne kanáthen Thi ionkwehonwehseraténion kenkiohkwa:kè:ron tánon kanatakè:ron. Ne tsi nenkaié:ren tekarihwáhshnie aonsahonterihwahserón:ni tsi ná'tehónteron ne Kanáthen Thi ionkwehonwehseraténion kanenhraién:ton, kanataién:ton ne tekahontsiakhánion kakoráhtshera tánon ne ronakiohkowá:nen onkwe'tà:ke ne:

- Ratiienté:ris tsi rontoro'shón:'a tánon tsi nahò:ten thonehtáhkwen thonté'nienténhstha tsi nahò:ten teiotonhontsióhon ahatiianerenhserón:ni tánon tsi nahò:ten ratíhsere karihwakwákwen, tánon,
- Ronwatinenhrí:ne kakoráhtshera tánon ne ronakiohkowá:nen onkwe'tà:ke shakotiienawà:se ahatikwatá:ko, takarihwa'serákwen, akaia'tá:rake, kaianerenhsera'shón:'a tsi nahò:ten ratíhsere tánon watkèn:se skáthne, tánon ia'tekaié:ri tsi nahò:ten teiotonhontsióhon ahotiia'takéhna, ne Kanáthen Thi ionkwehsonwehseraténion kanenhraién:ton tánon kanatakè:ron.

TSI NIIÓ:RE IA'TEIOKAHRAIÉN:TAT

Ne Kanáthen Thi ionkwehonwehseraténion tsi nihonkiéhrha, tsi nenkaié:ren. Ia'teniokahraién:ta'ne tahontaterihwakweniéhshthake tsi ná'tehónteron ne ahonatén:ro'ne skáthne ne Thi ionkwehsonwehseraténion onkwehshón:'a ne entewatenienténhston akwé:kon ne kaianerenhsera, tsi nahò:ten ratíhsere tánon tenhontawénrie tsi ná'tehónteron ne tekahontsiakháhshion ne Kaniatarí:io.

KANENHRÍ:NE KAIANERÉNSERA

- Thi ionkwehonwehseraténion
- Tehotirihwaienawá:kon tánon Skáthne- Ratirihwakwatákwas
- Ratirihwakweniéhstha ne Thi ionkwehonwehseraténion Tsi nihotirihò:ten tánon Tsi nahò:ten thonehtáhkwen.
- Tehatirihwa'serákwas ne Kanatakè:ron Aorihowá:nen.
- Khieió:ken tánon Aniahesénhtshera
- Ronwatirihwakweniéhstha ne Thi ionkwehonwehseraténion Tehontihánion
- Tekaihia:khons Kakoráhtshera Tehotiiénwá:kon
- Sha'tékena tánon Sakiesèn:se

Tsi nenkaie:ren karihwakwatákwen tehotiiénwá:kon ne Kakoráhtsherakónshon ne Thi ionkwehonwehseraténion rotatenónhkwe tánon Shotirihwahserón:ni (MIRR) ne Kaniatarí:io kanenhrái:ton ne Thi ionkwehonwehseraténion Atenrosará'shón:'a Tsi ronkia'tarohrókstha (OFIFC) ne Tehononkwehonwehtsherakiéhstha kanakeráhtshera ne Kaniatarí:io (MNO) tánon ne Kaniatarí:io Onkwehón:we Aotikióhkwa (ONWA) skáthne thonateriwahtká:wen ne kanáthen Thi ionkwehonwehseraténion kenkióhkwa:kè:ron tánon kanatakè:ron tsi niionhwéntsia ne Kaniatarí:io.

TSI NIHATIERÀ:NE IOKWÈN:RARE 1 **Atenró:sera Kanónhsote**

Tekahshwanéten ahontero'serón:ni skáthne tánon tekaiahiá:kons kanáthen thi ionkwehonwehseraténion kenkióhkwa:kè:ronahotí'nikonhrái:ta'ne tánon tahatirihwa'será:ko tsi níká:ien kénh nón:we nihatinakerénion iorihowá:nens.

TSI NIHATIERÀ:NE IOKWÈN:RARE 2 **Kaianerenhseríson Teká:neren tánon Skáthne - Karihwakwatákwen**

Ahtshente ne ahsatashén:naren kakkowanáhton skáthne-karihwakwatákwen ne aontontahsawáhkwen skáthne kanáthen Thi ionkwehonwehseraténion kenkióhkwa:kè:ron tánon kanatakè:ron aontahatiniarotáhrhoke ne takarihwa'serákwen kaianerenhsera'shón:'a tánon tsi nahò:ten ratíhsere.

TSI NIHATIERÁ:NE IOKWÈN:RARE 3 **Ronwatienawà:se Enhatirihwakwatá:ko, Enhatihnísa tánon Tenhonrénia'te**

Tenhatirihwáshnie tsi nón:we nihati'terón:ton enhatirihwakwatá:ko tánon tenhonrénia'te ne karihwarò:ron tánon tsi nihotirihò:ten tkarihwaié:ri kaia'takehnháhtshera ne kanáthen Thi ionkwehonwehseraténion kanatakè:ron

TSI NIHATIERÁ:NE IOKWÈN:RARE 4 **Watkèn:se**

Tenhonterihwarénia'te ne sénha aioianeráhsten ne orihwá'shón:'a karó:ron tánon aontkèn:se ne sénha karihwanó:ron tánon aioianeráhsten aontonté'nienténhstha ne ronatakién:ni tánon tsi neniawénhseron.